



დამტკიცებულია შპს ქართულ-ინგლისური
სკოლა „ბრიტანია“-ს დირექტორის მიერ
ბრძანება № 25 23.10.2023

სკოლის დირექტორი

/თამარ მაისურაძე/

შპს ქართულ-ინგლისური სკოლა „ბრიტანია“

სანიტარულ-ჰიგიენური ნორმების დაცვის
წესი

მუხლი 1. ზოგადი დებულებები

- 1.1. წინამდებარე წესი განსაზღვრავს შპს ქართლ-ინგლისურ სკოლა „ბრიტანიკას“ (შემდგომში - სკოლა) სანიტარულ-ჰიგიენური ნორმების დაცვის წესს.
- 1.2. წინამდებარე წესის მიხედვით განსაზღვრული წესები ვრცელდება სკოლის მთელ ტერიტორიაზე, მათ შორის სასწავლო და სამუშაო სივრცეებზე.

მუხლი 2. სანიტარულ-ჰიგიენური ნორმების დაცვის პროცედურები

- 2.1. სკოლა ყოველდღიურად ლაგდება სველი წესით.
- 2.2. ფოიეები, საკლასო ოთახები და სხვა სასწავლო და დამხმარე ოთახები ლაგდება მეცადინეობების დამთავრების შემდეგ, გაღებული ფანჯრების მდგომარეობაში.
- 2.3. თვეში ერთხელ ტარდება შენობის გენერალური დასუფთავება არა მარტო სარეცხი საშუალებებით, არამედ სადეზინფექციო ხსნარების გამოყენებით. ამისათვის გამოიყენება საქართველოს შრომის, ჯანმრთელობისა და სოციალური დაცვის სამინისტროს მიერ რეგისტრირებული სადეზინფექციო საშუალებები.
- 2.4. ფანჯრები იწმინდება დაბინძურების შესაბამისად, მაგრამ არანაკლებ წელიწადში ორჯერ მაინც. სანიტარული კვანძი, კვების ბლოკი და სამედიცინო კაბინეტი ექვემდებარება ყოველდღიურ დასუფთავებას სადეზინფექციო საშუალებების გამოყენებით.
- 2.5. სანიტარულ-ტექნიკური აღჭურვილობა სუფთავდება ყოველდღიურად. უნიტაზის დასაჯდომის, ჩასარეცხი ავზისა და კარების სახელები ირეცხება ცხელი წყლით და სარეცხი საშუალებით. ნიჟარები, უნიტაზები ირეცხება ჯაგრისით სარეცხი-სადეზინფექციო საშუალებების გამოყენებით.
- 2.6. სანიტარული კვანძის დასუფთავებისათვის გამოიყენება ამ მიზნებისათვის განკუთვნილი, სათანადოდ მარკირებული ინვენტარი, რომელიც ინახება განცალკევებით და ექვემდებარება დამუშავებას ყოველი სამუშაო დღის დასრულების შემდგომ.
- 2.7. სკოლის სათავსოს დასუფთავებისათვის გამოყენებული საყოფაცხოვრებო ქიმია და სადეზინფექციო საშუალებები ინახება სპეციალურად ამ მიზნისათვის განკუთვნილ, ჩაკეტილ სათავსოში/კარადაში პირვანდელი შეფუთვით, რათა შესაძლებელი იყოს დიფერენცირება მარკირების მიხედვით და არ იყოს ხელმისაწვდომი გარეშე პირთათვის.
- 2.8. კვების ბლოკი სუფთავდება მოსწავლეების, თანამშრომლების სკოლიდან გასვლის შემდეგ. საკვების მიღების დასრულების შემდეგ მაგიდები ექვემდებარება რეცხვას ცხელი წყლით და სარეცხი საშუალებებით.
- 2.9. სკოლის ტერიტორია ყოველდღიურად სუფთავდება, ხოლო ნაგავი გროვდება და იყრებ ეზოს გარეთ არსებულ თავსახურიან ნაგავშემკრებ კონტეინერებში, რომელიც შენობიდან არანაკლებ 25-30 მეტრის მოშორებითაა განთავსებული.
- 2.10. ყოველდღიურად ხორცილედება მყარი ნარჩენების შეგროვდება საკლასო ოთახებში, ადმინისტრაციულ და სხვა სათავსოებში და უსაფრთხო გატანა შენობიდან.
- 2.11. ნაგვის კონტეინერები იცლება მათი 3/4-ით გავსებისთანავე, რათა არ გადაივსოს.
- 2.12. სკოლაში უზრუნველყოფილია ნახმარი წყლების მოცილება/არინებით, სექტიკური ავზები იცლება დროულად და უსაფრთხოდ.
- 2.13. შენობა-ნაგებობაში მოწყობილია გამიჯნული სანიტარული კვანძები, რომლებიც მუდმივად მარაგდება წყლით, აქვს უწყვეტი განათება, ვენტილაცია და უზრუნველყოფს პირადი ჰიგიენის დაცვის შესაძლებლობას, რომელიც ხელმისაწვდომია ყველა მოსწავლისთვის, მათ შორის შშმ მოსწავლეებისთვის.

2.16 სკოლის ტერიტორიის დასუფთავების მონიტორინგი ხორციელდება კვირის განმავლობაში არანაკლებ 3-ჯერ. მონიტორინგის განმახორციელებლად განისაზღვრება სკოლის ექიმი.

მუხლი 3. დასკვნითი დებულება

3.1. სკოლის მფლობელობაში არსებულ ყველა სივრცეში სანიტარულ-ჰიგიენურ ნორმათა დაცვის კონტროლი ევალება სკოლის დირექტორის მიერ ადმინისტრაციული აქტით განსაზღვრულ პირებს.

3.2. წინამდებარე წესს ამტკიცებს სკოლის დირექტორი;

3.3. ცვლილებების და დამატებების ხორციელდება ამ მუხლის მე-2 პუნქტის მიხედვით.